

RWANDA

RESONANCE



B.P. 1036
Tél. 7 3977

70 Frw

Bimensuel
Indépendant
N° 007
28 Mata 1992

Rédacteur en chef :

NTAWUYIRUSHINTEGE Boniface
(O.N.T.B.)

Editorial.

ABADAMU BO MURI MDR
NTIBAZADUKOZE ISONI

Kuva Guverinoma y'i-nzibacyaho yajyaho ku ya 16 Mata 92 hari ikintu cy'icyuka kidatunganye mu badamu bo muri MDR, cyane cyane abibumbiye mu ishyirahamwe ryitwa SERUKA.

Ugushyirwa muri Guverinoma kwa madamu UWILINGIYIMANA Agatha ngo hari abo kutashimishije, bida-teve n'ubushobozzi bucye bamuziho cyangwa izindi nenge bamuziho, ahubwo gusa ngo ntibaba baragishijwe inama n'abari bashinzwe kumutanga ho kandida. Ubanza rero bariyibagije ko mbere yo kujya muri iryo shyirahamwe, uriya mudamu yabanje kuba umurwanashyaka ukomeye, agatorwa n'abanya BUTARE ngo abahagararire muri komite ya MDR mu rwego rw'igihugu, ndetse niba ntibeshe akaba ari naeve mugore wenyine urimo mu bantu barenga 30. Kuri MDR rero muri rusange no ku banya BUTARE by'umwihariko, Madamu



- DOCITERI IKINANI YABA-KURIYE INZIRA KU MURIMA
- NGEZE HASSANI N'ICISASU CYO MURI GARE

UWILINGIYIMANA ari hejuru ya SERUKA, ishyirahamwe twifuriza gushinga imizi ngo ritarindimuka aka URAMA. Byadushimisha cyane kurushaho rero ririya shyirahamwe rirebye ukundi kuntu riserukana umucyo ritivanze cyangwa ngo ribangamire komite nyobozi

ya MDR ifite ububasha bwo gufata ibyemezo bijyanye n'ibi bihe turimo, kandi kugeza ubu ikaba ibyitwaramo neza. Nyamuneka barwanashyaka murakomakome SERUKA yacu itavaho idukoza isoni mu ruhando rw'amashyaka. Ibi ntihagire uwo bituma atwumva nabi,

kuvugurura inzego z'ubutegetsi abahotozi ba Demukarasi baratunguwe bumvise ko ingingo ya 51 y'Itegeko-Nshinga riha Minisitiri w'Intebe ububasha bwo kugenera ba Minisitiri na Sekereteri ba Leta imirimayo yabo akanerekana imiterere n'ububasha bwa Minisiteri bashinzwe. Za ntumwa ku mbehe rero zihutiye gutikuraho itegeko rishyiraho inzego nkuru z'ubutegetsi kugira ngo ubutegetsi bwose bugumye kuboherwa mu maboko ya Dogiteri Fondateri imisatsi yahise iborosohako bicuza icyo babikoreye bati "nimugende muri MDR muri abahanga" nkuko umwe mu bakomeye muri MRND yabivuze igihe babwira Dogiteri Fondateri ko batazamuha abakandida batandatu ku mwanya wa Minisitiri w'Intebe. Izo ngirwa ntumwa za rubanda rero abaturage bazazimene ntizongere no kurota zihamamaza ngo zibone ijwi na rimwe.

Kuri iyi ngingo banavuga ko bazasesa rwa ruukiko rushinzwe gúcira imanza abahungabanya umutekano wa Leta. Ubundi rwagiriyeho guhotora abatavuga rumwe n'akazu. Abanyamakuru barasakiwe dore ko ngo kwandika ku bugome bw'akazu ubu byari byariswe guhungabanya umutekano wa Leta n'abacurabwenge ba MRND, ku buryo aribyo bitwaje bafunga KAMEYA.

BITE BY'UMUTUNGO WA MDR PARMEHUTU N'UWA MRND

- Ku ngingo ya kane munshingano za Guverinoma ya Dogiteri NSENGIYARE-MYE haravugwa ibyo kuzahura ubukungu bw'igihugu. Mu buryo bwose bwavuzwe buzakoreswa, uwakuye abahotozi ba Demukarasi umutima ni i-by'uko hazajya haba ige-

nzura rya buri gihe mucungire y'imari n'imikorere y'ibigo bya Leta n'ibyo Leta ifitemo imigabane kimwe n'imishinga y'amajyambere bigomba kuba ihame rigenga imicungire myiza y'ibya rubanda. Ngo hagomba kugaragazwa aho umutungo wa MDR Parmehutu n'uwa MRND itavuguruye wagive.

- Ingingo ya gatanu muri programu ya Guverinoma ni iyerekeye inama Rukokoma. Kugira ngo bamwe mu banyakazu imitima idahagarara babumvishije ko hazakoreshwu impaka mu rwego rw'igihugu ku kibazo cy'inama Rukokoma

kandi igatumirwa niramuka yemejwe. Izemezwu kuko abayiharanira kandi biyemeje kuyiharanira nibo benshi. Abagitsimbaraye kukuyanga bazabavana ku izima nkuko no ku bya Minisitiri w'Intebe utari uwo muri MRND bagezaho bakumirwa.

- Ingingo ya gatandatu irizeza impunzi z'abanyarwanda ko yemera uburennganzira bwabo naho iningo ya karindwi yatunguye abantu aho ivuga ko izategura umushinga w'itegeko rizagenga amatora bityo tukumva ko ibifaramba MUNYAZESA bapfushije ubusa bategura umushinga uriho usa n'ubogamiye ku byo abategetsi b'ubu bifuza bitari ngombwa.

MU ITANGAZAMAKURU HARACYARIMO IKIBAZO

Ni byiza ko Minisitiri w'Intebe mushya yumva ko Radiyo Rwanda isigaye ari indiri y'Interahamwe, ikaba yirirwa isopanya abanyarwanda, akaba ateganya ko bazareba uburyo Radiyo y'igihugu yafasha abanyarwanda kugera ku bwumvikane hagati yabo, maže Radiyo y'igihugu ikaba koko Radiyo y'amahoro? Radiyo ya Demukarasi isesuye. Nyamara ku byo gategura umushinga

w'itegeko rivugurura imiterere n'imikorere ya ORINFOR ngo kugira ngo inshingano za ORINFOR n'iza Minisiteri zitandukane ari nako zuzuzanya byateye abantu impungenge cyane ko twumvise ko ngo abanyakazu bagishegera kwihiira Radiyo. Minisiteri y'Itangazamakuru ntacyo yaba ikimariye MDR, ibyo aribyo byose ku itegeko ry'itangazamakuru ho ntacyo bafite bagomba gusuzuma, rigomba gusubirwamo byanze bikunze. Minisiteri nshya zashyizweho ni Minisiteri y'Ibidukikije n'Ubukerarugendo na Minisiteri y'umuryango no guteza imbere umunyarwandakazi. Mbere abagize Guverinoma y'inzibacyuho, Minisitiri w'Intebe ati: "Tugomba rero kwizera ibyo bizagerwaho kubera ko igihugu cyacu kigifite abyemeje guharanira Demukarasi batera mu byimbo bya Nyakub'ahwa Perezida Gerigori KAYIBANDA, Yozefu GITERA, Baltazar BICAMUMPAKA, Dominiko MBONYUMUTWA intwari z'imena mu kwitangira igihugu".

Ngo hari abategereje kwyumva muri ziriya ntwarentibiyumva amatwi barayabinda, barumirwa.

BA MINISITIRI BAGIYEHO

SE BIFASHE BATE ?

Muri rusange amashyaka menshi bigomba kuba byarayavunye kugira ngo agabe utwanya duke yagenewe, usibye ko MRND kandi ariyo ifite imyanya myinshi ngo byayibanye insobe. Muri MRND benshi ntibarwanye ishyaka ahubo barwanye ku bibehe byabo maze bakumva ko bashobora kujugunywa hanze bagasara bagasizora bati : Habyarimana rwose ko waduteranje na bene wacu uratwima ubutegetsi ngo tujye he ? Nibumirwe na NSANZIMANA ntiyari iyianze !!

muri Minisiteri wari warahinduye iy'ububeshyi n'amahaho se, abaganga b'umurava n'abarwayi nibo bazayihanganira na ryari ?

Ngaho jya kubigisha ukuntu umuntu anywa i-nzoga zikamupfumura ibi-renge.

O.N.T.B:

N'IGISASU

CYO

MURI GARE

Ku wa gatandatu tariki ya 25 Mata 1992 igihe cya saa ine z'amanywa i KIGALI aho abagenzi bategera imodoka haturikiye igisasu gikomeretsa abantu benshi; bamaze gupfamo umwe ku buryo buzwi.

Icyagaragaye rero gikomeje kuvugwa n'abantu benshi nuko NGEZE Hassan i'kipe ye y'Interahamwe z'Impuzamugambi zo mu isosiyete KANGURA ngo baba babifitemo uruhare rugaragara kubera uko babyitwayemo. Igisasu kigiturika bahise bahagaragara. Ngo abantu babumvise bongorerana ngo nibabona hari upfuye intumbi babe aribo bayijyanira ubwo bigatuma bacyeka ko ngo babonye intumbi bayirigisa.

Abandi babumvise bazanya ngo ese nta munyamakuru wari uhari, ngo babona atari iby'impuhwe.

Aha twabamenyesha ko aho icyo gisusu cyaturikiye ari mu bisanduku biba birimo ibinyamakuru n'ibindi bitabo bicururizwa aho muri Gare. Abanyamakuru kenshi bakunze ku-hahurira baje kwishyuza, ndetse bakanicara kuri ibyo bisanduku bakiganira.

Kuhatega igisasu rero ngo ibinyamakuru bishye nibiba na ngombwa abanyamakuru bahasige agatwe s'umubare mubi ku banzi ba demukarasi. Gusa Imana irebera imbwa ntihumbya, umunyamakuru wese muzavugana azakubwira ati nari kuhagera saa tanu, undi ati nari mpavuye kuko ku wa gatandatu ni ngombwa ko nari kubona amafrranga

Ibikurikira P.12

Ngeze Hassani mwene NGEZE Abdalamani w'umurundi waje mu Rwanda igihe




Ndi Ikinani
cyanamiye
Ahatulisi
n'abanye
mauga,
iyo ndaye
ntagariye
ingago
Sinsinzira
Intago yanjy
miukuba
umwami
w'u Rwanda
m'uburundi
bitagira
Umurtulisi

cya gikolonize azanye na FAJIRI murumuna we w'umukonseye ku GISENYI muri komini RUBAVU, akaba yararinze apfa atemera ko NGEZE Hassani ari umwana we kuko yambyaye hanze niwe abakiga bosenze bagomba kwiyambaza ngo bagumane ubutegetsi.

Ifatanya rye na Palpehutu ngo riterwa nuko umuryango we wose ukiba mu BUYENZI i Burundi akaba ashaka kuwugeza ku butegetsi.

Abanyarwanda bose bagomba kumenya ko ari Danger Public bakamufatira ibyemezo amazi atararenga inkombe. Nawe mu gihugu imbere ateranye amoko a teranye u Rwanda n'u Burundi, none aravugwaho gutega ibisasu. C'est insupportable.



a wikeddi.

Abantu bakomeje rwose twemeza ko biriya bintu Sosiyeti KANGURA ibitemo uruhare nk'uko i-vugwa mu BUGESERA mu BIRYOGO ku musigiti wo hafi yo kwa NGEZE, n'ahandi. Abantu barasaba ko haba iperereza rikomeye Sosiyeti Kangura itaramara abantu bitaba ibyo bagasaba MDR, PL na PSD gufatira bariya bagome ibyemezo.

Nta kindi kimenyetso simusiga kuri Sosiyeti Kangura kirenze ibaruwa bandikiye NGURINZIRA Bonifasi, Minisitiri w'ububanyi n'amahanga n'ubutwererane uwo munsi igisatu cyatritse hakabamo aho bavuga ngo "ibisasu bidasanze mu magambo ya NGURINZIRA", cyane cyane aho agira ati "Dore ko iri joro muri Guverinoma bari biraririye ngo umutekano barawugaruye."

Koko n'abantu bari baraye bavyumvise bose bari bavuze bati ubwo babivuze muzaba mureba akaba ejo kubera ishyari yariyo ntero aho bari bashungereye muri Gare bati iki gisatu gitewa n'abashaka kunaniza Guverinoma.

Sosiyeti KANGURA re-ro yivuyemo nk'inopfu ikaba igomba guhita ifatirwa ibyemezo na rubanda rwose rushaka amahoro kuko ikomeza kwica inzirakarenge.

Ingabo z'u Rwanda zirinze umupaka mu Bugesera nazo ntizizagwe mu mutego w'Interahamwe n'Impuzamugambi zo mu iso-siyeti Kangura kuko bibabaje kumva mu gihe Lt Colonel NSABIMANA Déo abwira abanyarwanda kuri Radiyo ku wa 25 Mata nimugoroba ko umwanzi yabinjiranye bakaba bariho bamushushubikanya mu Mutara ngo asubire iyo yavuye ziriya mburagasani z'Interahamwe n'Impuzamugambi mugome zo zitumva ko Politiki nziza ariyo ku-

mvikana n'u Burundi kugira ngo butaduteza impa-nuka ahubwo bakagumya guca intega ba NSABIMANA babumvisha ko no mu majyepfo byacitse.

Dusabye ingabo z'u Rwanda kubaha abanyapolitiki kuko aribo bafite uruhare runini mu kurangiza iyi ntambara, aho kugwa mu mutego wa Kangura. Dusabye kandi Minisitiri w'ubutabera kurrudanya ibimenyetso vuba vuba byo guhana abishe inzirakarenge muri Gare bitaba ibyo tugasaba rubanda kwerekana umujinya ifitiye ziriya nkozi z'ibibi zo muri sosiyeti Kangura.

Turasaba abanyarwanda kwamagana iwabo ishyaka CDR ngo ritahagera kwigisha amacakubiri y'ubwoko, ndetse byaba na ngombwa abahagarariye ziriya nkozi z'ibibi hirya no hino bagasubizwa iwabo

kuko ririya shyaka ryiyita iry'abahutu ahubwo ari iry'abakiga bataye umutwe, bafite inyota yo kumena amaraso gusa. Dusabye amashyaka MDR, PL, PSD gukoresha byihutirwa mitingi yo gusaba abayoboke babo guhangana n'iriya sosoyeti Kangura ariyo CDR ya ba NAHIMANA na ba NGEZE, Interahamwe n'Impuzamugambi zabozikabarurwa, byaba na ngombwa zikagenzwaho ijisho, zitaramara abantu, kuko ibyo bamaze gukora muri Gare bagahita bakora ibaruwa ibyemeza (revendication) ngo ngaha baramagna NGULINZIRA, ari ikimenyetso simusiga cyerekana ko abakunzi ba demukarasi bose bagomba guhaguruka bagakanda bariya bagome bagumya kwica inzira karengane.

UMURANGI

NAHIMANA Ferdinand wagaragaje ubugome burenze ukwemera wicishije abantu za BUGESERA n'ahandi a-koreshheje Radiyo y'igihugu akerekana ubwirasi bukabije agakubitiraho ibindi byaha nk'iby'umutungo wa Kaminuza ngo najye mu Bubanyi n'amahanga?

Kuki u Rwanda rushaka guhekasha u Budage impyisi rubwoherereza umu CDR, babandi bariho bigisha iby'Ivangura moko

tugereranya na ba NAZI.

Turasaba amashyaka MDR, PL, PSD na PSR gu-sabe bidatinze guverinoma y'ubudage kwanga kwakira uriya mugome. Yijya kudusebereza igihugu nashyikirizwe Inkiko d'abord. Arararara, ubwoga ejo Twakwumva NGEZE Hassani yabaye Ambassaderi muri kimwe mu bihugu by'insuti, kandi bidufasha ???!

Umurangi

Prix NYAMPINGA : uzuza aka gapupuro uzakazane muri Concert Izaba Ibigenewe.

Nom et Prénom.....
Amazina

Profession.....
Umwuga

Commune d'origine.....
Komini wavukiyemo

Adresse complète.....
Aho ubarizwe

Bulletin à remplir et

à présenter lors du Concert prévu
pour donner les prix NYAMPINGA



"UMWANZI" YADUHAYE IKIZERE

Ku wa kane tariki ya 18 Mata 1992 nibwo Minisitiri w'intebe, Dogiteri NSENGIYAREMYE Disimasi yashyizeho Guverinoma nshya isimbura iya wa musaza NSANZIMANA wikoreye impyisi nyuma ikamwereka ko igira n'iry'ihegeka ijya guhuma. Nabe ayaga na KAREMERA Eduwaridi ugiz'impanuka akaba

abo yitaga ibihindugembe abasize bemye, bakandagirana ishema n'isheja mu nzira ya demukarasi atigeze ashaka kumva icyo ari 'cyo, none abo yibwiraga ko avugira bakkaba bamweretse ko batari baramwohereje gutukana nk'abashumba. Nabe yitegura RUKOKOMA si ikosa ryacu, ntako tuba tutabagize ngo bibohore bakanga bakishinga uburyohe bw'ifaranga buba butegereje kuzabaryoza icyubahiro bahoranye mu bavandimwe babo.

DISIKURU ITARI IMFITIRANO

Dogiteri NSENGIYAREMYE yabanje kugeza ku bantu Programu ya Guverinoma agiye gushyiraho ikaba igizwe n'ingingo 7:

1. Kugira imishyikirano n'abadutera igamije kugarura amahoro mu Rwanda.
2. Gusuzuma no kuvugurura inzego zose z'ubutegetsi bwa Leta
4. Kuzahura ubukungu bw'ighugu twubahiriza imigambi mvugurura-bukungu
5. Gutegura impaka mu rwego rw'ighugu ku nama Rukokoma no kuyitumiza biramutse byemejwe
6. Gukemura ikibazo cy'impunzi
7. Gutegura amatora.

- Ku byerekeye uko imishyikirano n'abadutera

yazabera mu mucyo, twashimishijwe no kumva disikuru nshya rwose inyuranye na za zindi z'abambari ba MRND birirwa bavuga buri kanya ngo umwanzi, umwanzi kandi tuzi neza ko uwo uzaheka utamwicisha urume.

- Ku ngingo ya kabiri y'-umutekano mu gihugu, biragaragara ko ibyo tumaze iminsi twandika kandi natwe tuvugira rubanda Dr NSENGIYAREMYE abifite ku mutima. Kuvugurura inzego z'ubutabera bumaze

"guhora, guhora".

Muri urwo rwego Guvernoma izanarenganura ingabo zarenganijwe n'abanyakazu kandi inzandiko z'inzira ziveho, amasaha y'imikwabo asubirwemo. Ubundi tumenyereye ko ubutegetsi bujya guhirima bushyiraho inzandiko z'inzira, ubundi bukajyaho bukazikuraho, aribyo byatumye bamwe mu baririmbyi muri 1973 baririmba bat "na laisser-pass" zavuyeho".

- Ku ngingo ya gatatu yo



imyaka n'imyaka bukorera akazu, kudukiza umutwe w'ingabo wiyyise Interahamwe za MRND zimaze iminsi zidutobera igihugu, gukoresha iperereza rigamije guta muri yombi ba RWAMBUKA, SIMBIKANGWA, KAJERIJERI, GATERA, ba BIKINDI, NDABABONYE, ba LEWONE, ba SEYOBOK. n'izindi nterahamwe nyinshi, kubera imvururu n'ubwicanyi bamaze iminsi bateza mu gihugu kugira ngo abanyarwanda bashyitse umutima hamwe, bityo bahanishwe amategeko aho kwirirwa baboroga ngo

tubikoze mu rwego rwo kubibutsa ko nta n'umwe tuzahishira mu bayobozi b'amashyaka yacu igihe cyose azaba ashatse kudicisha inzira itari iya Demukarasi twiyemeje. Niumukomere tubashime tubivuge, ariko nitunabagaya tubivuge hakiri kare amazi atararenga inkombe ngo rbanda rwumirwe. O.N.T.B

UMURANGI N°007

DU 28 Avril 1992

Tirés en 2.000 Exemplaires

INZIRA KU MURIMA

Amaze kongera kugirirwa ikizere n'abambari ba MRND ngo akomeze abayobore kandi azaniyamamaze ku mwanya wa Perezida wa Repubulika mu ruhando rw'amashyaka menshi, ubwo hari ku cyumweru tariki ya 19 Mata 1992, Dogiteri yakuye umutima abari bamaze kumwizera,

ubwo yababwiraga ko gutsinda ari umurimo utoroshye kuko kubera kutareba kure bari batara bibona. Yabasobanuriye ko bisaba abadepite benshi, ba Burugumesitiri benshi, ba Konseye na ba selire maze ntibabyumva vuba babanza kwibwira bati abo turabafite rwose. Abo mu yandi mashyaka bo bahise bumva impamu agitsimbaraye kuri bariya bantu kabone naho rubanda ikomeza kumwereka ko hari abo badashaka nka za NYAKABANDA iyo ngiyo.

Bariya bambari ba MRND rero baje gusobanukirwa ko abariho ubu bazaho hagatorwa abandi bagasanga koko gutsinda kwa MRND atari ibya hafi hano.

Yongeye kubetona aho yagize ati: "Sintera ndatabara, sinteranya ndunga" Interahamwe n'Impuzamugambi ziti ni uguSUBIZA ame-rwe mu isaho, ba KAREMERA na ba BUCYANA haratubeshye. Yababwiye ko ari "ikinani cyananiye abagome n'abagambanyi" ngo bumva nta kizere bibahaye kuko atavuze ko yananiye Impirimbanzi za demukarasi. Yananirana yagira rero, usibye ko burya koko umuntu yivuga uko ari, agomba kumenya ko imprimbanzi za demukarasi atari abagome, ntibabe n'abagambanyi, barahirimbanira ibyabo, uburenganzira bwabo, nta bugome rero n'ubugamba-nyi burimo, ahubwo aba-

hotozi ba demukarasi nibakenyere bakomeze nubwo ari ay'ubusa bwose.

Icyakora hari abagize bati buriya abagome ashaka kuvuga ni nka ba KAJEGUHAKWA bagomeye akazu bakoranye nako, naho abagambanyi ni nka ba BIZIMUNGU Pastori bakagambaniye bakavukamo.

HABYARIMANA n'IMPIRI-MBANYI za Demukarasi rero rurageretse. Umwane ntibamwemerera ko batazamuroha muri RUKOKOMA, kandi kubaha Minisitiri w'intebé ntibyagabanije ubukana bwabo na gato. Gusa umuntu yakumvako kuvuga ariya magambo yose afite icyabimuteye. None se, Kongre ntiyari yabaye mu cyuka kibi cyari cyakuruwe cyane cyane n'abanyakibuye ngo bimwe Minisitiri kandi aribo bibonekeje cyane, na KAREMERA babakangishaga akaba yari yatsinzwe mu matora na NGIRUMPATSE.

Banze ko Fondateri yaba

aka KAREMERA maze biga amayeri yo kumushyira hamwe n'umukiga w'iwabo ku GISENYI HABYARIMANA Jean ngo nibabura ay'iburyo bakame ay'ibumoso kuko ngo MRND abanyenduga bari kuyishimuta iyo bamushyira hamwe na mwene MBONYUMUTWA nkuko bamwe bari babyifuje. Arabayobewe se ? Mu magambo yavuze hari ikindi twumvise Perezida HABYARIMANA yavuze neza cyane.

Ati: Havuzwe ibigambo byinshi babeshyera u Rwanda baruharabika, babeshyera abayobozi barwo, none ngo niyo igihe kikigera cyo kugorora ibintu tukamenya abateye abo arivo, n'abatewe abo ari bo. Bamwe twumvise avuze atyo tuti ni byiza ubwo nawe ageze aho yumva ko RUKOKOMA ari ngombwa.

Umitegetsi ni ucisha mu kuri, kuko bituma uburakari bwa rubanda buba bucye.

O.N.T.B.



Bananira abo bita abagome cyangwa abagambanyi, babica bagira, nyuma y'imyaka 18 bigomba gusubirwamo. Niyo mpamu RUKOKOMA ari ngombwa kandi vuba. Hatagira abatuzanaho iby'inka yarembye ngo babonye ibyo bayisimbuza. Naho ibyo kwivuga bicaye ntaho byabaye byo ntibyadukanga.

N'INSONERE SIMONI BAGIRA ISONI NKE

Duherutse kugira gu-tya tubona ibaruwa iteye agahinda iturutse muri Minisiteri y'Uububanyi n'Ama-hanga yandikiwe wa muryango mpuzamahanga wita ku burenganzira bw'ikiremwamuntu ariwo Amnesty International, ika-ba ari iya Minisitiri BIZIMUNGU Kazimiri yashyi-zweho umukono n'umu-nyamabanga mukuru we

INSONERE Simoni. Iyo baruwa yanditswe. ku itariki ya 27 mutarama 92 ifite n°228/16.O2.19.19/AP/EAO ikaba ihakana itsembe rwose ko nta mun-yamakuru w'umunyarwanda wigeze ahohoterwa muri ayo mezi ashize ngo cyereka MUGABE J.P waba ya-rihaye gusebya umukuru w'igihugu akabifungirwa. Ngo RANGIRA Adiriyani, Obed BAZIMAZIKI, Antoni MBARUSHIMANA na MU-BERANTWARI ntibigeze banahamagarwa ashwi. Ngo NSHIMYIMANA Godifiridi na Bonifasi NTAWUYIRUSHINTEGE ntawigeze abafata rwose.

NTAWUYIRUSHINTEGE YARASINZE INZOGA ZIMU-PFUMURA IBIRENGE

Bati uwitwa NTAWUYIRUSHINTEGE Bonifasi yaba yarakubitiwe n'amabandi yashakaga kumwiba hafi y'iwe, aho kujya kurega yihutira kwitera amajeki agenda avugavuga hose ko yakubiswe na ba maneko ngo arebe ko byamugurira agashema kuko ngo yakubiswe yasinze yandavuye...

Ngo ubwo rero izo mpuha ze zaragiye zigera ku banzi b'u Rwanda iyo imaha-nга mama we...!!

Ibinyamakuru byinshi byo mu Rwanda n'ibyo mu mahanga byasobanuye bi-hagije akaga bariya banya-makuru bose bariya babe-

shyi bavuga mu ibaruwa yabo banditse. Ibya NTAWUYIRUSHINTEGE Bonifasi bisa n'ibyabaye intero n'inyikirizo hirya no hino, none bariya ba mpemuke ndamuke banyitirira ubusinzi hari n'umwe muri bo wari wangurira na kamwe muri ibyo birundo byabo ? Nibamveho!

SIMBIKANGWA we wanyigirijeho nkana simbona uko yari ameze ariko akimeze ? Yanyononnye amaguru yibwira ko we azahita ahaguruka ? Ese ubundi amafaranga ahembwa kandi baramurishye ay'ubumuga (incapacité totale) ajya yibuka ko azayishyuzwa? Rero ngo ikirego cy'uko yitwaje akazi yahawe na Jenerali akamvusha amaraso natanze kuri parike ntacyo kivuze ahubwo ubu NTAWUYIRUSHINTEGE Bonifasi niwe ufungishijwe ijisho. Rwose Minisitiri BIZIMUNGU na INSONERE baroye iriya "convocation" yo ku wa 3/12/91 maze bakambwira niba bazi ko hari umuntu muri iki gihugu ujya asuzugura biriya bigirwamana!

Minisitiri w'Intebe Dismasi NSENGIYAREMYE a-banyabinyoma nka bariya azabakoresha he koko? Sini ni ba abyibuka, ariko umunsi nkubitwa cyane ku itariki ya 4/12/91 uriya mugabo INSONERE yaje muri Perezidansi ari kumwe n'ubo bita CYOTSI w'umu-yobozi mukuru muri Minisiteri y'Imali banca imbere aho bari bampishe mu kazu birirwa biciramo abantu nkajya mbarunguruka mbumva bavuga domande hamwe n'umukuru w'Ibiro bishinzwe iperereza Donati wanyuzeho akgira nk'utarigera ambona kuva yabaho. Ese mama byaba byari bifitanye isano n'ifatwa ryanje ? Simbihamya ariko INSONERE atekereze arasanga yageze mu biro by'abishi b'-ubutegetsi bw'akazu muri ayo matariki.

Icyakora Nyakubahwa Minisitiri, umurage w'iki-nyoma uzasigira abawe uzabavuna pe. Dore noneho ubaye Minisitiri w'ubuvuzi, Minisiteri wigeze gutegeka ukiri muzima. Amasomo uvanye

